

**AKT THEMELIMI DHE STATUTI
I SHOQËRISË ME PËRGJEGJËSI TË KUFIZUAR
“INNOVATION INVESTMENT GROUP” SHPK**

**KREU I
Dispozita të Përgjithshme**

Sot, në datën 26.01.2023 (njezetë e gjashtë janar, dy mijë e njëzetë e tre) personi i mëposhtëm:

- Znj.Fabiola Agim Duro, shtetase shqiptare, lindur në Tiranë, më 29.02.1984, dhe banuese në Tiranë, Rr. “Kodra e Diellit” Pall. 2, Hyrje 7, Ap.35, Selitë, Farkë, Tiranë, madhor, me zotësi të plotë juridike për të vepruar, me numer ID I452290231 dhe nr.personal 035343634.

në cilësinë e "Ortakut Themelues", me vullnet të lirë të plotë e të sinqertë, dhe iniciativën e lirë private, mbështetur në Kushtetutën e Republikës së Shqipërisë, Kodin Civil në fuqi, ligjin Nr. 9901 datë 04.04.2008, "Për Tregtarët dhe Shoqëritë tregtare" dhe ligjin Nr. 9723, datë 03.05.2007 "Për Qendrën Kombëtare të Biznesit", vendosi të themelojë shoqërinë tregtare, me përgjegjësi te kufizuar, me emërtimin **“INNOVATION INVESTMENT GROUP” SHPK**.

**KREU II
Ortaket, Emri, Objekti, Kohëzgjatja dhe Zyra Qendrore**

Neni 1

Emri dhe Ortaket

- 1.1 Shoqëria është e organizuar dhe funksionon sipas formës “shoqëri me përgjegjësi të kufizuar” dhe mban emrin **“INNOVATION INVESTMENT GROUP” SHPK**.
- 1.2 Kapitali i shoqërisë me përgjegjësi të kufizuar ndahet në një numër kuotash, në raport me kontributin e dhënë nga çdo ortak në shoqëri. Çdo ortak zoteron një kuotë të vetme në shoqëri.

Neni 2

Objekti

Shoqëria **“INNOVATION INVESTMENT GROUP” SHPK** do të ketë objekt veprimtarie:

- Të zhvillojë konsulencë dhe menaxhim të projekteve për investime në fushën e inovacionit, sektorëve strategjik si infrastrukturë, energji, bujqësi, turizëm, edukim, kulturë, transferim kapacitetesh dhe teknologjje, studime në kërkim, zhvillim dhe promovim, si dhe publikojë studime në fushën ekonomike, financiare, juridike dhe sociale, si dhe të produkteve dhe shërbimeve inovative në Shqipëri.
- Të zhvillojë vlerësimë dhe studime fizibiliteti projektesh të cilat aplikojnë për financim në organizmat në nivel kombëtar dhe ndërkombëtar.
- Të zhvillojë dhe implementojë projekte në fushën e edukimit alternativ, formësimin personal dhe profesional, ngritjen e kapaciteve njerëzore, ngritjen e subjekteve të reja të bazuara në programe të njoitura ne rajon dhe ndërkombëtarisht.
- Të zhvillojë konsulencë dhe menaxhim të projekteve në mbështetje të sipërmarrjeve si startup-ve, SME-ve dhe koorporatave.
- Të ofrojë shërbime konsulencë, ndërlidhje dhe rekrutime në fushën e teknologjisë, informacionit dhe komunikimi. Organizim dhe menaxhim multifunksional aktivitetesh, trajnime dhe panaire dhe cdo shërbim që përfshihet në të, si shërbim design, fotografik dhe video produksion, dekor, foni dhe ndricim, katering, e të tjera.
- Të menaxhojë dhe të kordinojë ambiente multifunksionale në funksion të invacionit dhe dhenies me qira dhe nënqira të ambjenteve.



A handwritten signature in black ink, appearing to read "Fabiola Agim Duro". A small number '1' is written above the signature.

Sidoqoftë, asgjë nuk do të interpretohet këtu si kufizim i mundësisë së shoqërisë për të hyrë në tregje apo aktivitete dhe operacione të tjera tregtare që janë të lidhura me apo në funksion të objektit të mësipërm. Objekti i aktivitetit te Shoqerise mund te ndryshohet dhe/ose zgjerohet ne perputhje me legjisacionin shqiptar ne fuqi dhe kete Statut.

Neni 3

Kohëzgjatja

- 3.1 Shoqëria do të ushtrojë aktivitetin e saj për një afat të pakufizuar, me përjashtim të rastit kur Asambleja e Ortakëve, sipas kuorumi përkatës vendos ndryshe.
- 3.2 Shoqëria "INNOVATION INVESTMENT GROUP" SHPK gëzon statusin e personit juridik shqiptar nga momenti i regjistrimit si e tillë në regjistrin tregtar të QKB-së.

Neni 4

Zyra Qendrore

- 4.1 Zyra qendrore e shoqërisë ndodhet ne adresën: Rruga Brigada 8, Ndërtesa Breezy, Kati 6, Ap. 21 Kodi Postar 1001
- 4.2 Gjatë veprimitarisë së saj, shoqëria ka të drejtë të krijojë dhe hapë degë, filiale dhe/ose zyra përfaqësimi edhe në qytete të tjera, brenda dhe/ose jashtë territorit të Republikës së Shqipërisë, në përputhje me legjisacionin e kërkuar në fuqi sipas juridikzionit të vendit përkatës.

KREU III

Neni 5

Vlera dhe pagesat e kapitalit te regjistruar

- 5.1 Kapitali i regjistruar i shoqërisë është **100 Lekë** (nje qind lekë), i barabartë me 1 (nje) kuotë. Kontributet e ortakëve përbëjnë kapitalin e regjistruar të shoqërisë.
- 5.2 Pjesëmarrja e Ortakut në kapitalin e shoqërisë është në raport me kontributin e derdhur prej tij dhe vlera nominale e kuotës te secilit ortak, llogaritet në raport me secilin kontribut, e paraqitur në mënyrë të përbledhur sipas grafikut të mëposhtëm:

Nr.	Emri i Ortakëve	Kuota	Kontributi i ortakëve në kapital (lekë)	Perqindja ne kapital
1.	Znj.FABIOLA DURO	1	100	100 %
Totali		1	100	100 %


- 5.3 Kontributet sa më sipër janë nënshkruar dhe shlyer plotësish nga ana e ortakut të vetëm të shoqërisë.

Neni 6

Zmadhimi dhe Zvogëlimi i Kapitalit Themeltar

- 6.1 Asambleja e Përgjithshme, me shumicë të kualifikuar, mund të zmadhojë kapitalin themeltar të shoqërisë duke rritur kuotat e ortakëve ekzistues në shumën e përcaktuar në vendimin përkatës. Zmadhimi i kapitalit me qëllim pranimin e ortakëve të rinj në shoqëri, miratohet nga Asambleja e Përgjithshme me shumicën e kualifikuar (tre të katërtat) të votave të ortakëve në përputhje me parashikimet e nenit 87 të Ligjit.

- 6.2 Shoqëria mund të vendosë zvogëlimin e kapitalit themeltar te shoqërisë me vendimin e Asamblesë së Përgjithshme, të marrë me shumicën e kualifikuar të votave (tre të katërtat) në përputhje me parashikimet e nenit 87 të Ligjit, duke pasur parasysh qe te respektohet minimumi i parashikuar nga Ligji per Shoqerite Tregtare.



A handwritten signature in black ink, appearing to read 'Fabiola Duro'. A small number '2' is written above the signature.

KREU IV

Neni 7

Kuotat dhe Kalimi i Kuotave

- 7.1 Kontrata e kalimit të kuotës bëhet me shkrim ndërmjet paleve.
- 7.2 Transferimi i kuotave të ortakëve të shoqërisë brenda ortakërisë apo në drejtim të personave të tretë jashtë ortakërisë është i kushtëzuar në cdo rast nga ushtrimi i të drejtës së parablerjes në favor të ortakëve ekzistues.

Ortaku, para se t'i transferojë në cdo forme kuotat e veta një ortaku ekzistues brenda shoqërisë apo një personi të tretë jashtë saj, detyrohet të njoftojë me shkrim paraprakisht të gjithëortaket ekzistues nëse dëshirojnë të blejnë kuotat me të njëjtat kushte ekonomike si dhe në menyrë përpjestimore sipas kuotave që zoterojnë në kapital të shoqerise.

Në rast se të gjithë ortaket nuk përgjigjen me shkrim brenda 20 ditëve nga njoftimi apo deklarojnë se nuk dëshirojnë të blejnë kuotat, ortaku është i lirë të transferojë kuotat e tij tërësisht apo pjesërisht në drejtim të personave të tretë jashtë ortakërisë.

Në rast se një pjesë e ortakëve ekzistues përgjigjen me shkrim brenda 20 ditëve dhe deklarojnë se dëshirojnë të blejnë kuotat, ortaku është i detyruar ti transferojë kuotat e tij në drejtim të tyre në mënyrë të barabartë (dmth në rast se dy ortak shprehin deshirën për blerjen e kuotave, ato do t'u shiten të dy ortakëve në mënyrë të barabartë, pra 50% secili).

Neni 8

Kalimi i kuotave me Trashëgimi ose si pasojë e Falimentimit


- 8.1 Nëse një ortak vdes, trashëgimtarë ose trashëgimtarët në rastin e bashkëzotërimit të kuotave, dhe trashëgimtarët e tij në rast se ky person ishte zotërues ose trashëgimtar i vetëm i bashkëzotëruesve të kuotave, do të jenë personat e vetëm të njohur nga shoqëria si gëzues së të drejtave mbi kuotën e tij; pavarësisht parashikimeve të këtij Statuti, pasuria e ortakut të vdekur nuk çlirohet nga përgjegjësia në lidhje me kuotën e zotëruar nga ai vetëm apo së bashku me persona të tjera.
- 8.2 Personi që fiton të drejtën mbi një kuotë si pasojë e vdekjes ose falimentimit të një ortaku, pas paraqitjes së provave të kërkua nga Administratori, mund të zgjedhë të bëhet zotërues i kuotës ose të kërkojë regjistrimin e kuotës në emër të një personi tjetër te caktuar prej tij si përfitues të kuotës. Nëse personi i mësipërm zgjedh të bëhet zotërues i kuotës, ai njofton shoqërinë në lidhje me këtë zgjedhje. Nëse ky person zgjedh që një person tjetër të regjistrohet si zotërues i kuotës, ai kalon kuotën në dobi të personit tjetër.
- 8.3 Personi që fiton të drejta mbi një kuotë si pasojë e vdekjes ose falimentimit të një ortaku do të ketë të drejtat që gëzonte zotëruesi i kuotës, duke përjashtuar të drejtën e pjesëmarrjes ose të votës në çdo mbledhje të Asamblesë së Përgjithshme, deri në momentin e regjistrimit ne QKB.

Kreu V Asambleja e Përgjithshme

Neni 9

Kompetencat dhe Thirrrja e Asamblesë së Përgjithshme

- 9.1 Asambleja e Përgjithshme është organi më i lartë vendimarrës i Shoqërisë. Asambleja e Përgjithshme do të vendosë, por pa u kufizuar, për çështjet e mëposhtme të Shoqërisë:
 - a. përcaktimi i politikave tregtare;
 - b. ndryshime të Statutit;
 - c. emërimi dhe shkarkimi i administratorit/administratorëve;
 - d. emërimi dhe shkarkimi i likuiduesve dhe i ekspertëve kontabël të autorizuar;
 - e. miratimi i skemës së shpërblimeve për personat e përmendur në shkronjat c.dhe d.;



- f. mbikëqyrja e zbatimit të politikave tregtare nga ana e administratorit/ administratorëve, duke përfshirë përgatitjen e pasqyrave financiare vjetore dhe raporteve mbi ecurinë e aktivitetit të Shoqërisë;
- g. miratimi i pasqyrave financiare vjetore dhe i raporteve mbi ecurinë e aktivitetit të Shoqërisë;
- h. zmadhim iose zvogëlimi i kapitalit;
- i. pjesëtimi i kuotave dhe anulimi i tyre;
- j. përfaqësimin e shoqërisë në gjykime dhe në procedime të tjera kundër administratorit/administratorëve të saj;
- l. riorganizimi dhe prishja e Shoqërisë;
- m. miratimi i rregullave procedurale të mbledhjeve të saj;
- n. çështje të tjera të parashikuara nga Ligji për Shoqëritë Tregtare dhe Statuti.

Nëse shoqëria mbetet me një ortak, atëherë ortaku i vetëm detyrohet ta regjistrojë këtë fakt, sipas nenit 43, të ligjit nr. 9723, datë 3.5.2007, "Për Qendrën Kombëtare të Biznesit", të ndryshuar. Nëse ortaku i mbetur nuk përbush këtë detyrim, atëherë ortaku përgjigjet personalisht për detyrimet që shoqëria merr përsipër nga data në të cilën duhet të ishte kryer regjistrimi, sipas këtij nenit, deri në datën në të cilën ky regjistrim u krye efektivisht."

- 9.2 Asambleja e Përgjithshme merr vendime per cështjet e përmendura në pikat (g) dhe (h) me sipër pas shqyrtimit të dokumentacionit përkatës të dërguar me thirrjen e mbledhjes së asamblesë së Përgjithshme.
- 9.3 Mbledha e Asamblesë së Përgjithshme thirret nga administratori apo ortakët e minorancës sipas dispozitive të ligjit për shoqëritë tregtare në fuqi nëpërmjet një njoftimi me shkresë, me postë ose e - mail drejtuar çdo ortaku, përfshirë edhe përfaqësuesin e kuotave në zotërim të përbashkët. Njoftimi duhet të kryhet të paktën 7 (shtatë) ditë të plota përparrë datës së caktuar për mbledhjen përvèç rasteve kur njoftimi i mbledhjes së Asamblesë së Përgjithshme i cili përmban një afat më të shkurtër është miratuar nga te gjithe ortaket që zotërojnë 100% te kapitalit te shoqerise.
- 9.4 Njoftimi per thirrjen e Asamblesë duhet të permbarjë në menyrë të qartë datën, ditën, kohën, vendin dhe rendin e ditës së mbledhjes, së bashku me dokumentacionin perkatës dhe do t'u dërgohen të gjithë Ortakëve të Shoqërisë të paktën 7 (shtatë) ditë përparrë mbledhjes. Në rast ndryshimi të rendit të ditës, do të ndiqet e njëjtë procedurë njoftimi që përshkruhet më sipër.

Neni 10

Kuorumi i nevojshëm

- 10.1 Në rastin e marrjes së vendimeve, që kërkojnë një shumicë të zakonshme, Asambleja e Përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë jo më pak se 31 për qind të kapitalit të shoqerisë.
- 10.2 Në rastin kur Asambleja e Përgjithshme duhet të vendosë për çështje, të cilat kërkojnë shumicë të kualifikuar sipas nenit 87 të ligjit "Per Tregtaret dhe Shoqerite Tregtare", ajo mund të marrë vendime të vlefshme vetëm nëse marrin pjesë ortakët me të drejtë vote, që zotërojnë jo më pak se 51 për qind të kapitalit të shoqerisë.
- 10.3 Nëse Asambleja e Përgjithshme nuk mund të mblidhet për shkak të mungesës së kuorut të përmendor me lart, asambleja mblidhet përsëri jo më vonë se 30 ditë, me të njëjtin rend dite.

Neni 11

Marrja e vendimeve

- 11.1 Asambleja e Ortakeve vendos me 3/4 të ortakëve zotëruesh të kapitalit të shoqërisë me të drejtë vote, për çështje të rëndësishme që kanë të bëjnë me ndryshimin e statutit,

- zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë etj.
- 11.2 Asambleja e përgjithshme vendos me shumicën e thjeshtë të votave të ortakëve pjesëmarrës, për çështje të tjera të zakonshme si:
- përcaktimi i politikave tregtare të shoqërisë;
 - emërimin dhe shkarkimin e administratorëve;
 - emërimin e shkarkimin e likuiduesve dhe të ekspertëve kontabël të autorizuar;
 - përcaktimin e shpërblimeve;
 - mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë se veprimtarisë;
 - përfaqësimin e shoqërisë në gjykatë dhe në procedimet e tjera ndaj administratorëve;
 - miratimin e rregullave procedurale të mbledhjeve të asamblesë;
- 11.3 Ortaku mund të përfaqësohet në asamblenë e përgjithshme, në bazë të një autorizimi nga një ortak tjetër apo nga një person i tretë. Administratorët e shoqërisë nuk mund të veprojnë si përfaqësues të ortakëve në asamblenë e përgjithshme. Autorizimi jepet në formë shkresore vetëm për një mbledhje të Asamblesë së Përgjithshme dhe është i vlefshëm edhe për mbledhjet vijuese me të njëjtin rend dite.
- 11.4 Kryetari i mbledhjes së Asamblesë së Përgjithshme do të jetë administratori i shoqërisë i cili do të drejtojë mbledhjen dhe Asambleja e Përgjithshme në cdo mbledhje të saj do të emërojë me shumicë të thjeshtë të votave të ortakëve pjesëmarrës edhe një person tjetër për të mbajtur proces-verbalin e mbledhjes së Asamblesë së Përgjithshme.
- 11.5 Çdo vendim i mbledhjes së Asamblesë së Përgjithshme do të regjistrohet ne proces-verbal, i cili do të mbahet në perputhje me nenin 90 të ligjit Për Tregtarët dhe Shoqëritë Tregtare.

Neni 12

Votat e Ortakëve

- 12.1 Çdo ortak ka të drejta vote në përpjesëtim me vlerën nominale të kuotës së tij. Bashkëzotërueshit e një kuote ushtrojnë të drejtat e votës bashkërisht, sipas nenit 72 të ligjit për shoqëritë tregtare në fuqi.
- 12.2 Asnjë ortak nuk do të votojë në mbledhjen e Asamblesë së Përgjithshme, personalisht ose nëpërmjet përfaqësuesve, në lidhje me kuotën e zotëruar prej tij, nëse nuk ka shlyer tërësisht detyrimet që kanë të bëjnë me këtë kuotë.

Kreu VI Administratori

Neni 13

Emërimi i Administratorit

- 13.1 Asambleja e Përgjithshme zgjedh një ose më shume persona fizikë si Administratorë të shoqërisë për një periudhë pesëvjeçare, në pajtim me parashikimet e shkronjës "c" të pikës 1 të nenit 81 dhe nenit 95 të Ligjit. Emërimet do të janë individuale dhe sipas një vendimi të marrë me shumicën e votave të ortakeve ne Asambleja e Përgjithshme, i cili, nëse miratohet, sjell emërimin e personit të propozuar si Administrator.
- 13.2 Personi i mëposhtëm caktohet si Administrator i shoqërisë "INNOVATION INVESTMENT GROUP" SHPK:
Znj.Fabiola Agim Duro, shtetase shqiptare, lindur në Tiranë, më 29.02.1984, dhe banuese në Tiranë, Rr. "Kodra e Diellit" Pall. 2, Hyrje 7, Ap.35, Selite, Farke, Tirane, madhor, me zotësi të plotë juridike për të vepruar, nr. ID I45229023I dhe nr.personal 035343634, per një afat 5 vjecar, nga momenti i regjistrimit te ketij fakti prane Qendres Kombetare te Biznesit.

Neni 14

Kompetencat e Administratorit

- 14.1 Politikat tregtare të shoqërisë si dhe aktiviteti normal i saj do të administrohen nga Administratori i cili mund të ushtrojë të gjithë kompetencat që nuk i rezervohen Asamblesë së Përgjithshme sa më sipër dhe ligjt tregtar ne fuqi.
- 14.2 Pa u kufizuar sa me sipër, në mënyrë të vecantë, Administratori ka këto kompenteca:
- do të drejtøjë dhe të përfaqësojë Shoqerinë përsa i përket administrimit të zakonshëm;
 - do të nënshkruajë cdo marrëveshje në emër të Shoqërisë;
 - do të hapë llogari në emër të Shoqërisë me cdo banke që kryen aktivitet në Shqipëri ose jashtë saj,
 - do të përgatisë të gjitha planet për marrjen e financimeve, do të nënshkruajë cdo kontratë huaje apo kontrate tjeter që parashikon një borxh apo borxh të mundshëm për Shoqërinë, hipotekë, peng apo cdo marrëveshje tjeter që krijon apo mund të krijojë një barrë mbi pasuritë e Shoqërisë, marrëveshje garancie, kontratë për shitjen e pasurive të paluajtshme apo të luajtshme të Shoqërisë. Të gjitha veprimet e parashikuara këtu (pika iv) do të janë të vlefshme nëse janë të autorizuara shprehimisht me anë të një Vendimi të Asamblesë së Përgjithshme të marrë me shumicë unanime;
 - do të urdhërojë dhe kryejë pagesa në emër të Shoqërisë – duke nënshkruar dokumentet / instrumentet e pagesave;
 - do të kujdeset përmbiatjen e saktë e të rregullt të dokumenteve dhe të librave kontabël të Shoqërisë;
 - do të përgatisë dhe nënshkruajë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, ia paraqet përmiratim Asamblesë së Përgjithshme;
 - do të krijojë një sistem monitorimi dhe paralajmërimi njoftimi të hershëm përrrethanat që kërcënoinjë ekzistencën e Shoqërisë;
 - do të kryejë regjistrimet e publikimet e detyrueshme të dhënavë të Shoqërisë, sipas kërkesave të Ligjit nr. 9723, datë 3 Maj 2007 "Për Qendrën Kombëtare të Biznesit"
 - do t'i raportojë Asamblesë së Përgjithshme për zbatimin e politikave tregtare dhe përrrealizimin e veprimeve me rendësi të veçantë për veprimtarinë e Shoqërisë;
 - do të marrë në punë, emërojë, shkarkojë të punësuar të Shoqërisë për cdo nivel, përfshirë edhe të punësuar me kohë të pjesshme, konsulentë, agjentë, do të përcaktojë kompetencat dhe detyrat e tyre, si dhe do të përcaktoje shperblimin e tyre;
 - të kryejë detyra të tjera, të përcaktuara në Ligjin për Shoqëritë Tregtare, duke pasur parasysh respektimin në cdo rast të kufizimeve të parashikuara nga ky Statut, si dhe detyrat e dhëna me Vendim të Asamblesë së Përgjithshme.


Asambleja e Përgjithshme, në bazë të një vendimi të marrë me shumicën e përcaktuar sa më sipër, ka të drejtë të ngrijë padi përpëra gjykatës kompetente për shfuqizimin e vendimeve të administratorëve, si pasojë e shkeljes së rëndë të ligjt ose të statutit dhe/ose padi të tjera që parashikon ky ligj ose statuti ndaj administratorëve apo ortakëve.

Neni 15

Skualifikimi dhe Shkarkimi i Administratorit

Detyra e Administratorit përfundon në rast se:

1. personi nuk është më Administrator sipas parashikimeve të Ligjit përfshirë edhe parashikimet e pikës 6 të nenit 95 të Ligjit;



2. personi vuan ose mund të vuajë nga çrregullime mendore;
3. ndodhet ose mund te ndodhet ne kushtet e pa-aftesise fizike;
4. jep dorëheqje nga detyra duke njoftuar shoqërinë;
5. vdekjeje;
6. ndodhet në situata apo rrethana të cilat e bëjnë të pamundur ushtrimin e detyrave të tij;

Neni 16

Kufizimet në Veprimet e Administratorit

- 16.1 Administratori nuk do të lidhë marrëveshje për çështje në të cilin ai ka, direkt ose indirekt, një interes apo detyrim i cili është material, që është apo mund të jetë në kundërshtim me interesat e shoqërisë, në pajtim me nenin 13 të Ligjit për shoqëritë tregtare, deri në momentin kur Asambleja e Përgjithshme e shoqërisë, në bazë të kuorumit te kerkuar, autorizon lidhjen e kësaj marrëveshje.
- 16.2 Autorizimi mund të jetë i përgjithshëm ose i posaçëm për një çështje të caktuar. Autorizimi i përgjithshëm duhet të regjistrohet pranë Qendrës Kombëtare të Biznesit.

Kreu VII Prishja dhe njoftimet

Neni 17

17.1 Shkaqet e prishjes së shoqërisë

Shoqëria me përgjegjësi të kufizuar prishet:

- a) kur mbaron kohëzgjatja, për të cilën është themeluar;
 - b) me përfundimin e procedurave të falimentimit apo në rast të pamjaftueshmërisë së pasurive për të mbuluar shpenzimet e procedurës së falimentimit;
 - c) në rast se objekti bëhet i paralezueshëm për shkak të mosfunkcionimit të vazduar të organeve të shoqërisë apo për shkaqe të tjera që e bëjnë absolutisht të pamundur vazhdimin e veprimitarisë tregtare;
 1. ç) në rastet e pavlefshmërisë së themelimit të shoqërisë, të parashikuara nga neni 3/I te ligjit per shoqerite tregtare;
 - d) në raste të tjera, të parashikuara në statut;
 - e) në raste të tjera, të parashikuara me ligj;
 - f) për çdo shkak tjetër të vendosur nga asambleja e ortakëve.
- 17.2 Në rast të likuidimit të shoqërisë, likuiduesi, në përputhje me Ligjin dhe me vendimin e marrë me shumicën e kualifikuar së votave të Asamblesë së Përgjithshme, mund të shpërndajë në dobi të ortakëve të gjithë ose një pjesë të vlerës së pasurive të shoqërisë dhe për këtë qëllim, mund të vlerësojë çdo pasuri dhe të përcaktojë mënyrën e shpërndarjes midis ortakëve të shoqërisë.
 - 17.3 Administratori është i detyruar të regjistrojë prishjen e Shoqërisë në QKB, me përjashtim të rastit kur prishja bëhet me vendim gjykate; në këtë rast është gjykata që i dërgon njoftimin QKB-së.

Neni 18

Njoftimet

- 18.1 Njoftimet e kryera nga çdo person sipas parashikimeve të Statutit, duhet të janë me shkrim ose (nëse zbatohet) nëpërmjet komunikimit elektronik në adresën e parashikuar sipas pikës 3 të nenit 4 të këtij Statuti dhe janë të vlefshme në lidhje me kohën e njoftuar për këtë qëllim dhe personin që kryen njoftimin.



- 18.2 Shoqëria mund të njoftojë një ortak personalisht ose duke e dërguar njoftimin me letër porosi me kthim përgjigje në adresën e regjistruar të ortakut ose në adresën apo postën elektronike (nëse ka) që i është njoftuar shoqërisë nga ortaku. Kur ka disa bashkëzotërues të një kuote, të gjitha njoftimet i jepen përfaqësuesit të tyre të përbashkët në përputhje me pikën 2 të nenin 72 të Ligjit.

Neni 19

Te Ndryshme

- 19.1 Cdo dokument që lëshohet për dhe në emër të shoqërisë eshte i pavlefshem nese nuk mban vulen e saj.
- 19.2 Të gjitha marrëheniet e punës në shoqëri rregullohen me Kodin e Punës dhe cdo akt tjeter ligjor dhe nënligjor të zbatueshmët të Republikës së Shqipërisë, ne fuqi dhe ne veprim kohe pas kohe gjate periudhes se ushtrimit te aktivitetit te saj tregtar.
- 19.3 Viti finanziar zgjat 12 (dymbëdhjetë) muaj, duke filluar më 1 Janar dhe mbaron më 31 Dhjetor të cdo viti.
- 19.4 Në fund të cdo viti finanziar, Administratori harton bilancin vjetor dhe raportin e administrimit, te cilët i dërgohen për miratim Asamblesë së zakonshme.
- 19.5 Për të gjitha cështjet që nuk janë parashikuar në këtë Statut, do të zbatohen parashikimet e Ligjit për Shoqëritë Tregtare në fuqi, të azhornuar.

NENI 20

Dispozita perfundimtare

- 20.1 Ky statut përbën dokumentin e vetëm të shoqërisë që parashikon themelimin dhe organizimin e veprimtarisë së shoqërisë. Ky Statut mund të ndryshohet, rishikohet dhe/ose shfuqizohet pjesërisht ose tërësisht dhe të zëvëndësohet me një statut të ri vetëm me vendim të Asamblesë së Përgjithshme të Ortakëve sipas shumicës së cilësuar të përcaktuar më sipër.
- 20.2 Për sa nuk është parashikuar në këtë statut, ortakët do ti referohen legjisacionit tregtar Shqiptar në fuqi si dhe praktikave tregtare në vend.

Ky statut u redaktua në 4 ekzemplarë, me përbajtje dhe vlera të njëjtë juridike, në gjuhën Shqip dhe u nënshkrua nga ortaku themelues pa asnjë rezervë.

ORTAKU THEMELUES

Znj.FABIOLA DURO



8